



# Rimnada sistemica da dretg communal dalla vischnaunca da Sagogn

---

**Nummera**            **240.01.01**

**Tetel**                **Uorden da susteniment da formaziun**

**Ediziun**            Ediziun dils 16.04.2015

Ediziun dils dils 25.08.2013

**Valeivel**            16.06.2015

## **Remarcas preliminaras**

Ord motivs da simplificaziun serefereschon indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 10.03.2024 tras Thomas

## **Cuntegn**

<b>I. Intent</b>	<b>3</b>
<b>II. Contribuziun</b>	<b>3</b>
<b>III. Determinaziuns finalas</b>	<b>4</b>

## I. Intent

Intent

### Art. 1

<sup>1</sup> Quei uorden reglescha las contribuziuns per formaziun generala per carschi (“Erwachsenefortbildung”) dalla vischnaunca da Sagogn, qvd. cudischaziuns sin conto 240.300.

<sup>2</sup> La contribuziun finanziaria duei gidar e sustener uniuns, privats e fatschentas da promover la formaziun dalla populaziun el vitg.

## II. Contribuziun

Dretg da  
contribuziun

### Art. 2

<sup>1</sup> Suandontas cundiziuns ston cumulativamein esser ademplitas per ch'ina damonda da susteniment sa vegnir tractada:

- a) Il petent sto esser sesents en vischnaunca.
- b) L'occurenza ha liug a Sagogn.
- c) L'occurenza sedrezza principalmein enviers carschi.
- d) L'occurenza ei publica.
- e) L'occurenza sto curclar in interess public.

En cass specials sa la suprastonza era sustener occurenzas ch'ademplieschan buc diltuttatfatg las cundiziuns (p. ex. sche l'infrastructura manca el vitg)

Summa

### Art. 3

<sup>1</sup> La contribuziun munta per ordinari a frs. 100 – 500 per occurenza.

<sup>2</sup> La contribuziun maximala munta a frs. 1500.00 per onn e per petent ni per la medema specia d'occasiun.

<sup>3</sup> Per occurenzas cun intent da far gudogn vegn per ordinari surpriu sulettamein ina garanzia da deficit.

Restricziuns

**Art. 4**

<sup>1</sup> La damonda da susteniment ei d'inoltrar sil formular corrispudent e duei ver aschuntau in cedel da pagament ni la numera da conto dil petent.

<sup>2</sup> Las damondas vegnan tractandadas en retscha dalla retschevida. Ei il budget duvraus si per in onn sche san negins sustegns vegni concedi pli.

**III. Determinaziuns finalas**

Vigur

**Art. 5**

<sup>1</sup> Quest uorden entra en vigur suenter ch'ell ei vegnius approbaus dalla suprastanza communal.

<sup>2</sup> Quest uorden remplazza tutts uorden anteriurs.

<b>Ediu tras</b>			
<b>Acceptau tras</b>	Suprastanza communal	<b>ils</b>	16.06.2015
<b>Controllau tras</b>			
Publicaziun officiala dalla vischnaunca da Sagogn.			